



Uimhir 24 de 2015

AN tACHT COSANTA (LEASÚ), 2015
[An tiontú oifigiúil]

CLÁR AN ÁBHAIR

Alt

1. Míithe
2. Leasú ar alt 24 den Phríomh-Acht
3. Leasú ar an Dara Sceideal a ghabhann leis an bPríomh-Acht
4. Gearrtheideal agus comhlua

[Uimh. 24.]

An tAcht Cosanta (Leasú), 2015.

[2015.]

NA hACHTANNA DÁ dTAGRAÍTEAR

An tAcht Cosanta (Leasú), 1979 (Uimh. 1)

An tAcht Cosanta, 1954 (Uimh. 18)

Na hAchtanna Cosanta, 1954 go 2011



Uimhir 24 de 2015

AN tACHT COSANTA (LEASÚ), 2015

[An tiontú oifigiúil]

Acht do leasú agus do leathnú an Achta Cosanta, 1954 agus do dhéanamh socrú i dtaobh nithe gaolmhara.

[22 Iúil 2015]

Achtaítear ag an Oireachtas mar a leanas:

Mínithe

1. San Acht seo—

ciallaíonn “Acht 1979” an tAcht Cosanta (Leasú), 1979;

ciallaíonn “Príomh-Acht” an tAcht Cosanta, 1954.

Leasú ar alt 24 den Phríomh-Acht

2. Leasaítear alt 24 den Phríomh-Acht tríd an méid seo a leanas a chur in ionad fho-alt (3) (a cuireadh isteach le halt 3 d’Acht 1979):

“(3) Chun críocha an Achta seo—

- (a) measfar an chéim choimisiúnta airm atá leagtha amach i gcolún (2) den Dara Sceideal a ghabhann leis an Acht seo ag aon uimhir thagartha (arb í uimhir thagartha 2, 3, 4, 5, 6, 7, 8 nó 9 í) a bheith ar comhréir leis an gcéim choimisiúnta chabhlaigh atá leagtha amach i gcolún (3) den Dara Sceideal sin ag an uimhir thagartha sin;
- (b) measfar an chéim choimisiúnta airm atá leagtha amach i gcolún (2) den Dara Sceideal sin ag uimhir thagartha 10 a bheith ar comhréir le gach ceann de na céimeanna coimisiúnta cabhlaigh atá leagtha amach i gcolún (3) den Dara Sceideal sin ag uimhir thagartha 10;
- (c) measfar an chéim choimisiúnta chabhlaigh atá leagtha amach i gcolún (3) den Dara Sceideal sin ag aon uimhir thagartha (arb í uimhir thagartha 2, 3, 4, 5, 6, 7, 8 nó 9 í) a bheith ar comhréir leis an gcéim choimisiúnta airm atá leagtha amach i gcolún (2) den Dara Sceideal sin ag an uimhir thagartha sin;
- (d) measfar gach ceann de na céimeanna coimisiúnta cabhlaigh atá leagtha amach i gcolún (3) den Dara Sceideal sin ag uimhir thagartha 10 a bheith ar

comhréir leis an gcéim choimisiúnta airm atá leagtha amach i gcolún (2) den Dara Sceideal sin ag uimhir thagartha 10.”.

Leasú ar an Dara Sceideal a ghabhann leis an bPríomh-Acht

3. Leasaítear an Príomh-Acht tríd an méid seo a leanas a chur in ionad an Dara Sceideal (a cuireadh isteach le halt 4 d’Acht 1979):

“AN DARA SCEIDEAL

CÉIMEANNA COIMISIÚNTA AIRM AGUS CABHLAIGH IN ÓGLAIGH NA HÉIREANN

Uimhir Thagartha (1)	Céimeanna Airm (2)	Céimeanna Cabhlaigh (3)
1.	Ginearál nó (i mBéarla) General.	
2.	Lefteanant-Ghinearál nó (i mBéarla) Lieutenant-General.	Leas-Aimiréal nó (i mBéarla) Vice-Admiral.
3.	Maor-Ghinearál nó (i mBéarla) Major-General.	Seach-Aimiréal nó (i mBéarla) Rear-Admiral.
4.	Briogáidire-Ghinearál nó (i mBéarla) Brigadier-General.	Ceannasóir nó (i mBéarla) Commodore.
5.	Cornal nó (i mBéarla) Colonel.	Captaen nó (i mBéarla) Captain.
6.	Lefteanant-Chornal nó (i mBéarla) Lieutenant-Colonel.	Ceannasaí nó (i mBéarla) Commander.
7.	Ceannfort nó (i mBéarla) Commandant.	Lefteanant-Cheannasaí nó (i mBéarla) Lieutenant-Commander.
8.	Captaen nó (i mBéarla) Captain.	Lefteanant nó (i mBéarla) Lieutenant.
9.	Lefteanant nó (i mBéarla) Lieutenant.	Fo-Lefteanant nó (i mBéarla) Sub-Lieutenant.
10.	Dara-Lefteanant nó (i mBéarla) Second-Lieutenant.	Meirgire nó (i mBéarla) Ensign. Meánloingseach nó (i mBéarla) Midshipman.

”.

Gearrtheideal agus comhlua

4. (1) Féadfar an tAcht Cosanta (Leasú), 2015 a ghairm den Acht seo.

(2) Féadfar na hAchtanna Cosanta, 1954 go 2015 a ghairm de na hAchtanna Cosanta, 1954 go 2011 agus den Acht seo le chéile.